



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დავითაშვილი მარიამ (მერი) პეტრეს ასული



მ. დავითაშვილი

დავითაშვილი მარიამ (მერი) პეტრეს ასული [1 (14). XI. 1907, სოფ. მელაანი, ახლანდ. გურჯაანის მუნიციპალიტეტი, - 4. VIII. 1975, თბილისი], მსახიობი. საქართვე. სახ. არტისტი (1960). 1921-იდან მონაწილეობდა სცენისმოყვარეთა წარმოდგენებში. 1926 დაამთავრა ა. ფალავას დრამ. სტუდია და მცირე ხნით მუშაობდა თბილ. შოთა რუსთაველის სახ. თეატრში, 1927-იდან მოღვაწეობდა თბილ. მუშათა თეატრში, ხოლო 1928-იდან გარდაცვალებამდე - კ. მარჯანიშვილის სახ. თეატრში. სცენაზე მნიშვნელოვანი ადგილი დაიმკვიდრა თავისი ხალასი არტისტიზმით, უშუალოდ, სისადავითა და გულწრფელობით. ძირითადად ასრულებდა სახასიათო როლებს: ხორეშანი („კაცია-ადამიანი?!“ ი. ჭავჭავაძის მიხედვით), ანა (ლ. ლეონოვის „შემოსევა“), ტუანეტა

(მოლიერის „ეჭვით ავადმყოფი“), ჯავარა (ვაჟა-ფშაველას „მოკვეთილი“), ნიმფა (მ. ბარათაშვილის „ჩემი ყვავილეთი“), კატინა და ქაბატო (ა. ცაგარლის „რაც გინახავს, ვეღარ ნახავ“ და „ხანუმა“), პეპელა (გ. მდივნის „ვარდო“), ქარმიანა (უ. შექსპირის „ანტონიოს და კლეოპატრა“), ეფემია (ლ. არდაზიანის „სოლომონ ისაკირ მეჯღანუაშვილი“), ჰორტენზია (კ. გოლდონის „სასტუმროს დიასახლისი“). საოცარი სიმსუბუქით ქმნიდა ერთმანეთისაგან მკვეთრად განსხვავებულ სახეებს. კინოში შესრულებული აქვს როლები: ქაბატო („ქეთო და კოტე“, 1948), თიმსალ-მაკო („ბაში-აჩუკი“, 1956), არჩილის გამზრდელი („ოთარაანთ ქვრივი“, 1957), მარო („ნინო“, 1959) და სხვ.

